

«MOTTAKERNAVN»
«ADRESSE»
«POSTNR» «POSTSTED»

Trondheim, 19.05.2017

Dykkar ref.:
[Dykkar ref.]

Vår ref.:
2017/2577

Sakshandsamar:
Geir Rune Rauset

Skadefelling av ynglande jervetispe med ungar i Utladalen i Årdal kommune, region 1.

Miljødirektoratet set etter eige tiltak i verk skadefelling av ynglande jervetispe med ungar i Årdal, Sogn og Fjordane, rovviltregion 1. Miljødirektoratet v/Statens naturoppsyn (SNO) er ansvarleg for gjennomføring av fellingsforsøket. Skadefelling vert gjennomført for å hindre skade på bufe.

Tiltaket er heimla i lov 19. juni 2009 nr. 100 om forvaltning av naturens mangfold (naturmangfoldloven) § 18 fyrste ledd b) og § 77, jf. forskrift 18. mars 2005 nr. 242 om forvaltning av rovvilt (rovviltforskriften) § 13 jf. §§ 1 og 3.

Vi viser til vurderingane våre i "Grunnlag for skadefelling av jerv i Noreg 2017" og "Skadefelling av jerv i delar av region 1 - 2017" datert 18. april 2017, inklusive lovgrunnlag for tiltaket, skadepotensiale og bestandssituasjon for jerv (tilgjengeleg i Miljøvedtaksregisteret: www.miljovedtak.no). Vi viser vidare til "Skadefelling av jerv i delar av region 1, utviding av kvote og periode" frå 5. mai 2017 der det vart opna for uttak av enkeltdyr i området.

På bakgrunn av ei heilskapsvurdering av situasjonen pr. i dag vurderer direktoratet at det ikkje ligg føre noko anna tilfredsstillande løysing i det aktuelle området enn ekstraordinært uttak av jerv. Skadepotensiale for sau er gjeve avgjerande vekt i vurderinga. Bestandssituasjonen for jerv, nemnda si prioritering av aktuelle område for uttak og geografisk differensiert forvaltning er andre moment som direktoratet har vektlagt i si vurdering. Eit slikt uttak vert vurdert til ikkje å vere til skade for jervebestanden si overleving, eller å kome i konflikt med det nasjonale bestandsmålet for jerv, jf. Innst. S. nr. 174 (2003-2004) og rovviltforskriften §§ 3 og 4.

Ut frå vurderingane ovanfor og med heimel i lov 19. juni 2009 nr. 100 om forvaltning av naturens mangfold (naturmangfoldloven) § 18 fyrste ledd b) og § 77, jf. forskrift 18. mars 2005 nr. 242 om forvaltning av rovvilt (rovviltforskriften) § 13, jf. §§ 1 og 3, set direktoratet av eige tiltak i verk felling av inntil 1 jerv innanfor nærare avgrensa område i Sogn og Fjordane, region 1

Følgjande vilkår er knytt til iverksetjing av felling:

1. Ynglande tise med ungar kan fellast i Utladalen, Årdal kommune.
2. Miljødirektoratet v/Statens naturoppsyn er ansvarleg for gjennomføring av fellingsforsøket. Fellingsforsøket vert gjennomført i tråd med fastsett Instruks for det statlige fellingslaget ved uttak av vilt.
3. Vedtaket gjeld i tidsrommet 6-7. mai 2017.
4. Miljødirektoratet kan til ein kvar tid trekkje tilbake løyve til felling.

Dette er ei utviding av tidlegare avgjerd om uttak av enkeltdyr av jerv i delar av region 1 frå 5. mai 2017 (epost til SNO og nemnda 5. mai 2017, fullstendig vedtak tilgjengeleg i Miljøvedtaksregisteret). Same dag (5. mai 2017) fanga/immobiliserte SNO ei jervetise med mjølk i pattane i Utladalen i Årdal. Miljødirektoratet vart varsla og det vart bestemt at både ungar og tise skulle takast ut (telefon og epost til SNO 5. mai 2017). Tisa vart utstyrt med radiosendar og sleppt fri. Den 6. mai vart hiet lokalisert med hjelp av sendar, og jervetise med to ungar avliva.

Et slikt uttak av eige tiltak er ikkje eit enkeltvedtak, og forvaltningsloven sine klagereglar kjem ikkje til bruk, jf. naturmangfoldloven § 18 tredje ledd.

Dette brevet vert sendt til rovviltnemnda, fylkesmannen, kommunar og politidistrikt, Klima- og miljødepartementet, Landbruks- og matdepartementet og Mattilsynet.

Helsing
Miljødirektoratet

Dette dokumentet er elektronisk godkjend

Susanne Hansen
fung. seksjonsleiar

Geir Rune Rauset
rådgjevar

Tenk miljø - velg digital postkasse frå e-Boks eller Digipost på www.norge.no.